

SESOTHO PUO YA LAPENG: PAMPIRI YA II
SESOTHO HOME LANGUAGE: PAPER II

Nako: dihora tse 3

Matshwao: 100

BALA DITAELO TSE LATELANG KA TLHOKO

1. Pampiri ena e na le maqephe a 4. Etsa bonnete ba hore a felletse.
 2. Etsa bonnete ba hore o kgetha dipotso ka nepo.
 3. Pampiri ena e arotswe dikarolo tse pedi, Karolo ya A le Karolo ya B.
 4. Araba dipotso tse NNE feela.
 - **KAROLONG YA A**, bahlahlobuwa **bohle** ba tlameha ho araba **POTSO YA 1** ebe ba kgetha **e le NNGWE** pakeng tsa **POTSO YA 2** le **POTSO YA 3**.
 - **KAROLONG YA B**, bahlahlobuwa **bohle** ba tlameha ho araba **POTSO YA 4** ebe ba kgetha **e le NNGWE** pakeng tsa **POTSO YA 5** le **POTSO YA 6**.
 5. Qala potso e nngwe le e nngwe leqepheng le letjha.
 6. Ho bohlokwa ho ngola ka mongolo o makgethe o balehang.
-

KAROLO YA A PADI**POTSO YA 1 LEJWE LA KGOPIISO: T. Letshaba****POTSO ENA E TLAMEHA HO ARAJWA KE BOHLE.**

Ho ya ka ditaba tsa pale ena na o ka re Seipati ke motswalle wa sebele wa Naledi? Ntsha maikutlo a hao o itshetlehile ka diketso le dipuo tsa Seipati. **Ela hloko:**

- Moqoqo e be wa bolelele ba mantswe a **400–450**.
- Ngola palo e nepahetseng ya mantswe qetellong ya moqoqo wa hao.
- Etsa bonnete ba hore palo ya mantswe ha e fete 450. O boele o etse bonnete ba hore o qoqa ka dintlha tse bohlokwa tse arabang potso e botsitsweng e seng ho qoqa ka pale yohle.

[30]

KGETHA, mme o arabe potso e le **NNGWE FEELA** ho tse **PEDI** tse latelang:

POTSO YA 2 le POTSO YA 3.**POTSO YA 2 MOHLAHLABI TSHITA: K.P.D. Maphalla**

Sekaseka mme o bontshe kamoo mongodi a atlehileng ka teng ho fihlela sepheo sa hae moralong wa padi ena.

Moqoqo e be wa bolelele ba **mantsewe a 600**.

[30]**KAPA****POTSO YA 3 MOHLOMONG HOSANE: K.P.D. Maphalla****Ntwa ya basadi**

"Ntlohele!" Ke yena Mmamonoto a se a leka ho ithutlathutla, empa a sa tswa tema. "Ntlohele! Ntlohele o tle o bone ke tla o etsang! A ko ntlohele feela o tle o bone ke tla o etsang! Ntlohele, o tla ntabolela diaparo tsa ka tse ntle! ... Ntlohele!"

[leq 18]

Palekgutshweng ena re bona mongodi a sebedisitse diketso le dipuo tsa baphetwa ba itseng ho pepesa semelo sa bona. Na ebe mongodi wa palekgutshwe ee o atlehle ho re senolela semelo sa baphetwa?

Bontsha kamoo mongodi a sebedisitseng diketso le dipuo tsa Mmamonoto kateng ho pepesa semelo sa hae palekgutshweng ena.

Moqoqo e be wa bolelele ba **mantsewe a 600**.

[30]**60 matshwao**

KAROLO YA B DITEMA TSA KGOKAHANO

- Araba dipotso tse **PEDI FEELA** karolong ena.
- Hlokomela: Potso ya 4 e arajwa ke **bohle**.
- Kgetha potso e le **NNGWE** feela pakeng tsa **POTSO YA 5** le **POTSO YA 6**.
- Bolelele ba tema e be **antswe a 250–300**.

POTSO YA 4

[E qotsitswe ho tswa inthaneteng ya lokiswa ke mohlahlobi]

O motjha ya kgathatsehileng ka dipolao tsa basadi le bana tse etsahalang naheng ena ya Afrika Borwa. Ngola **atekele e yang makasineng** wa selehae e kgahlanong le dipolao tse jeleng setsi naheng ena ya rona.

[20]


POTSO YA 5

Ntatemoholo wa hao eo e neng e le ngaka e tsebahalang haholo ka ho phekola lefu la pelo o se a iketse boyabatho. Ba lelapa ba o kopile ho ngola tsa bophelo ba mofu/ obitjhuari e tla balwa mohla letsatsi la phupu ya hae. Ngola **tša bophelo ba mofu/ obitjhuari**.

[20]

KAPA

POTSO YA 6



[E qotsitse ho tswa inthaneteng ya lokiswa ke mohlalobi]

O moqolotsi wa ditaba tsa koranta ya Manti mme o tlameha ho ya etsa inthaviu le letona la tsa bophelo bo botle ka koduwa ya kokwanahloko ya "coronavirus" e hlasetseng lefatshe ka bophara. Ngola **inthaviu** mahareng a hao le letona la tsa bophelo bo botle.

[20]

40 matshwao

Matshwao kaofela: 100